

全
華
叢
書



金華叢書



大事記卷九

宋呂祖謙撰

郡後學胡鳳丹月樵校梓

漢太祖高皇帝五年冬十月王追西楚項籍至固陵

遣使許齊王韓信魏相國彭越地皆引兵來會

以本紀修

十一月西楚大司馬周殷舉九江兵降

以本紀修

十二月王與諸侯兵大破西楚軍於垓下項籍走死

東城楚地悉定

以本紀修

封項伯等四人爲列侯賜姓劉氏故項籍臣稱其主

名者盡拜爲大夫鄭君不從逐之

以本紀列傳修

王還至定陶奪齊王韓信軍

以本紀修

盧綰滅臨江虜其王尉

以本紀修

春正月徙齊王信為楚王封魏相國彭越為梁王

以本

紀修

赦天下

以本紀修

二月甲午即皇帝位于定陶汜水之陽

以本紀大事記修

更王后曰皇后太子曰皇太子追尊先媼曰昭靈夫

人

通鑑

封故衡山王吳芮為長沙王故粵王亡諸為閩粵王

以本
紀修

帝西都洛陽

以本
紀修

夏五月兵皆罷歸家

本
紀

復諸侯子在關中者十二歲

以本
紀修

聚民保山澤者令各歸其縣復故爵田宅自賣爲人

奴婢者免爲庶人

本
紀

詔守尉長吏善遇高爵

以本
紀修

置酒洛陽南宮

本
紀

召故齊王田橫未至洛陽三十里自殺

以通
鑑修

以季布為郎中斬丁公以徇

綱目通鑑

帝西都關中

以本紀修

六月赦天下

以本紀修

秋七月燕王臧荼反陷代地帝自將征之

以史記漢書本紀修

趙景王耳長沙文王芮皆薨

以史記月表通鑑修

八月立趙太子敖為趙王長沙太子臣為長沙王

以本

紀年表修

九月滅燕虜臧荼封太尉盧縮為燕王太尉宮

以本

紀史記年表修

使樊噲以丞相將兵攻代

以史記本紀修

項籍故將利幾反帝自擊破之

以本紀修

後九月治長樂宮于長安

以史記前漢本紀修

漢太祖高皇帝六年冬十月令天下縣邑城

本紀修

十二月帝遊雲夢會諸侯於陳執楚王韓信是日赦

天下

以皇極經世史記本紀修

帝還至雒陽赦韓信封爲淮陰侯

本紀修

甲申始剖符封大功臣二十餘人爲徹侯

以通鑑修

春正月丙午分楚爲十二國以淮東東陽鄣吳三郡

五十三縣封從兄將軍賈爲荆王以淮西碭薛邳三

郡三十六縣封弟文信君交爲楚王

以史記漢書本紀通鑑修

壬子以雲中鴈門代三郡封兄宜信侯善爲代王以

膠東膠西臨淄濟北博陽城陽六郡七十三縣封子

肥爲齊王

以本紀修

以曹參爲齊相國

以列傳修

諸侯得自除御史大夫羣卿以下眾官如漢

淮南王傳

徙韓王信國於太原

以本紀修

三月封雍齒爲什方侯

以本紀通鑑修

定功行封又作元功十八人位次以史記本紀通鑑年表修

帝歸櫟陽以本紀修

張良杜門不出以列傳修

夏五月丙午尊太公為太上皇通鑑

立大市於長安以史記年表修

以張蒼為主計以列傳修

秋匈奴冒頓圍韓王信於馬邑夏月信以馬邑降匈

奴與匈奴南攻太原至晉陽以本紀列傳修

命叔孫通徵魯諸生起朝儀有兩生不肯行以列傳修

漢太祖高皇帝七年冬十月長樂宮成諸生羣臣朝

正于長樂宮始用新儀以叔孫通爲奉常

以列傳年表修

命蕭何次律令韓信申軍法張蒼定章程

本紀

帝北征韓王信于銅鞮信走匈奴遂征匈奴至平城

白登爲匈奴所圍七日用陳平計得出

以皇極經世本紀修

十二月帝還過趙不禮趙王張敖

以本紀修

匈奴攻代代王棄國自歸雒陽赦爲合陽侯

本紀

辛卯封子如意爲代王

以本紀修

春令郎中有服耐以上請之民產子復勿事二歲

本紀

二月帝至長安遂定都丞相以下自櫟陽徙治長安

以史記漢書本紀修

治未央宮立東闕北闕前殿武庫太倉

本紀

置宗正官以序九族

本紀

夏四月帝如洛陽

以本紀修

以陳豨爲趙相國監趙代邊兵

以本紀盧綰傳修

徙豐民於驪邑更名曰新豐

以地理志修

漢太祖高皇帝八年冬帝東擊故韓王信餘寇於東

垣還過趙貫高謀爲逆不果

以稽古錄修

以建武侯靳歙爲車騎將軍

以列傳荀悅漢紀修

十二月帝至自東垣

以本紀修

春三月帝如洛陽

以本紀修

復吏卒至平城者終身

以本紀修

令賈人毋得衣錦繡綺縠絺紵蜀操兵乘騎

以本紀修

秋八月吏有罪未發覺者赦之

以本紀

九月帝至自雒陽

以本紀修

漢太祖高皇帝九年冬十月未央宮成淮南王英布

梁王彭越趙王張敖楚王交及羣臣朝於未央宮置

酒前殿帝奉玉卮爲太皇壽

以史記漢書本紀修

遣劉敬奉宗室女翁主名爲長公主以妻匈奴單于

以史記漢書列傳修

十一月徙楚昭氏屈氏景氏懷氏齊田氏及燕趙韓

魏強族於關中

以史記漢書本紀列傳修

十二月帝如洛陽

以本紀修

春正月廢趙王張敖爲宣平侯徙代王如意爲趙王

以本紀修

詔丙寅前殊死以下皆赦之

通鑑

三月帝至自洛陽

以本紀修

以張敖故臣田叔孟舒等十人爲郡守諸侯相

以本紀修

夏六月晦日有食之既

以本紀五行志修

以丞相蕭何爲相國

以年表修

罷渭南河上中地郡復隸內史

以地理志修

以御史大夫周昌爲趙丞相

以史記年表修

甲辰漢太祖高皇帝十年冬十月淮南王英布燕王

盧綰荆王賈梁王彭越楚王交齊王肥長沙王吳臣

朝於長樂宮

以史記本紀修

以符璽御史趙堯爲御史大夫

以史記漢書年表周昌傳修

夏五月太上皇崩於櫟陽宮

漢記通鑑

秋七月癸卯葬太上皇于萬年楚王梁王皆來送葬

赦櫟陽囚

漢紀通鑑史記

八月令諸侯王立太上皇廟于國都

本紀

九月趙相國陳豨反於代帝北征次于邯鄲

以漢書史記本

紀皇極經世修

詔縣道官獄疑者各讞所屬不能決者移廷尉廷尉

不能決者以聞

以荀悅漢紀刑法志修

漢太祖高皇帝十一年冬十月帝在邯鄲大破陳豨

軍以周勃爲太尉定代地

以本紀年表修

春正月淮陰侯韓信謀反長安夷三族

本紀

故韓王信與匈奴據參合樊噲柴武擊斬之

以本紀列傳修

帝還維陽

以本紀修

封子恆爲代王頗取山南太原之地益屬代代之雲

中以西爲雲中郡

以本紀修

赦天下

本紀

二月立郡國朝獻口賦法

以通鑑綱目修

詔郡國求賢

綱目通鑑

三月廢梁王彭越爲庶人徙蜀尋夷三族

以本紀列傳修

分梁地爲二國立子恢爲梁王子友爲淮陽王

以本紀列

傳修

夏四月帝至自雒陽

以本紀修

五月遣陸賈立秦南海尉趙佗爲南粵王

以本紀修

帝有疾樊噲排闥問疾

以通鑑列傳修

秋七月淮南王英布反擊殺荊王劉賈并其地北渡

淮擊楚楚王交走入薛

以史記漢書本紀修